

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI DOM  
ZASTUPNIK IRFAN ČENGIĆ

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 25-10-2021

Org. jed.	Broj	Priloga	Vrijednost
01-	02-	2042	121

(PRIJEDLOG)

ZAKON  
O IZMJENI ZAKONA O POLJOPRIVREDNOM ZEMLJIŠTU FEDERACIJE  
BOSNE I HERCEGOVINE

Sarajevo, oktobar 2021.godine

**ZAKON**  
**O IZMJENI ZAKONA O POLJOPRIVREDNOM ZEMLJIŠTU FEDERACIJE**  
**BOSNE I HERCEGOVINE**

**Član 1.**

U Zakonu o poljoprivrednom zemljištu Federacije Bosne i Hercegovine (Službene novine FBiH, 52/09) mijenja se tekst člana 100. i sada glasi:

*„Promet državnim poljoprivrednim zemljištem može se vršiti samo u cilju obavljanja poljoprivredne djelatnosti, osim u slučajevima propisanim ovim Zakonom. Poljoprivredno zemljište u vlasništvu države ne može biti predmet prodaje.“*

**Član 2.**

Zakon stupa na snagu osmog dana od dana objavljivanja u službenim novinama.

## OBRAZLOŽENJE

### ZAKON O IZMJENI ZAKONA O POLJOPRIVREDNOM ZEMLJIŠTU FEDERACIJE BOSNE I HERCEGOVINE

#### I USTAVNI OSNOV

Ustavni osnov za donošenje ovog zakona sadržan je u dijelu Poglavlju III A. 5. 20. (1) d) kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

#### II RAZLOZI ZA DONOŠENJE

Prije 20 mjeseci kada je donesena Odluka Ustavnog suda BiH kojom je proglašen neustavnim Zakon o poljoprivrednom zemljištu Republike Srpske, podnio sam zastupničku inicijativu za izmjenu Zakona o poljoprivrednom zemljištu FBiH. Nažalost Vlada Federacija Bosne i Hercegovine nije u skladu sa Poslovníkom PD Parlamenta FBiH realizovala inicijativu.

Aktuelni Zakon o poljoprivrednom zemljištu Federacije Bosne i Hercegovine (Službene novine FBiH, 52/09) sadrži najmanje jedan a moguće i više članova koji nisu u skladu sa Ustavom Bosne i Hercegovine i presudama ustavnog suda.

Nakon presude Ustavnog suda Bosne i Hercegovine kojim se utvrđuje da poljoprivredno zemljište i drugo javno dobro pripada državi Bosni i Hercegovini a ne entitetima, sasvim je očito da član 100. Zakona o poljoprivrednom zemljištu Federacije Bosne i Hercegovine nije u skladu sa Ustavom Bosne i Hercegovine.

Zakon o poljoprivrednom zemljištu Federacije Bosne i Hercegovine (Službene novine FBiH, 52/09) predviđa da Parlament Federacije Bosne i Hercegovine može donositi odluku o prodaji zemljišta koje nije u njegovom vlasništvu, odnosno koje je prema posljednjoj presudi Ustavnog suda Bosne i Hercegovine vlasništvo Države Bosne i Hercegovine

Član 100. glasi:

*„Promet državnim poljoprivrednim zemljištem može se vršiti samo u cilju obavljanja poljoprivredne djelatnosti, osim u slučajevima propisanim ovim Zakonom.*

*Poljoprivredno zemljište u vlasništvu države **može ići u prodaju** samo u izuzetnim slučajevima kada Parlament Federacije Bosne i Hercegovine utvrdi opći interes za prodaju državnog zemljišta."*

Pravni princip da „Nitko ne može na drugoga prenijeti više prava nego što sam on ima“ se upravo ovdje treba primijeniti, jer ukoliko je vlasnik zemljišta Država Bosna i Hercegovina, to zemljište ne može prodati zakonodavni organ jednog entiteta, u ovom slučaju Parlament Federacije Bosne i Hercegovine.

### **III. OBRAZLOŽENJE PRAVNIH RJEŠENJA**

Članom 1. ovog Zakona se mijenja postojeći član 100. na način da se onemogućava prodaja poljoprivrednog zemljišta u državnom vlasništvu.

### **IV. FINANSIJSKA SREDSTVA**

Za provođenje ovog Zakona nisu potrebna dodatna finansijska sredstva iz budžeta Federacije Bosne i Hercegovine.